चरियापिटकं

राहुलसङ्किच्चानेन आनन्दकोसङ्कानेन जगदीसकस्सपेन च सम्पादितो

उत्तमभिक्खुना पकासितो २४८१ बुद्धवच्छरे (1937 A. C.)

वीर	सेवा	मन्दिर
	दिल्ल	ी
	*	
	<1	r —
हम संख्या		-81
गल नं०	128	71877
ण्ड	···	

चरियापिटकं

राहुलसङ्किञ्चानेन आनन्दकोसझानेन जगदीसकस्सपेन च

उत्तमभिक्खुना पकासितो २४८१ बृद्धवच्छरे (1937 A.C.)

प्राङ्निवेदनम्

पालिवाक्षमयस्य नागराक्षरे मुद्रणं अत्यपेक्षितिमिति नाविदितचरं भारती-येतिहासिविविदिषूणाम् । सम्कृतपालिभाषयोरितिसामीप्यादिप यत् परस्सहसेभ्यः जिज्ञामुभ्यः संस्कृतज्ञेभ्यः पालिग्रन्थराश्यवगाहनं दुष्करिमव प्रतिभाति तत् लिपि-भेदादेव । एतदर्थमयमस्माकमिनवः प्रयासः । अत्र नृतना अपि पाठभेदाः निषेया इत्यासीदस्माकं मनीषा परं कालात्ययभीत्याऽत्र प्रथमभागे धम्मपदादन्यत्र न तत् कृतमभूत् । अधोटिप्पणीपु सिन्नवेशिताः पाठभेदाः । प्रायः Pali Text Society मृद्वितेभ्यो ग्रन्थेभ्य उद्भृताः ।

अर्थसाहाय्यं विना अस्मत्समीहितं हृदि निगृहितमेव स्थात् । तत्र भदन्तेन उत्तमस्थिवरेण साहाय्यं प्रदाय महदूपकृतमिति निवेदयंति——

कात्तिकशुक्लैकादश्यां २४८० बुद्धाब्दे राहुलः सांकृत्यायनः आनन्दः कोसल्यायनः जगदीशः काश्यपञ्च

सूची पठमो परिच्छेदो

	दानपा	रमिता		पृष्ठ
१. अकित्तिचरियं				8
२. सद्भवचरियं				` ?
३. कुरुवस्मचरियं				÷
४. महासुदस्मनचरियं				ą
५. महागोविन्दचरियं				8
६. निमिराजचरियं				4
७. च न्द कुमारचरियं				q
८. सिविराजचरियं				Ę
९. वेस्मन्तरचरियं				હ
१०. ससपण्डितचरियं				११
डु		ग रिच्छेदो _{रमिता}		
१. सीलवनागचरियं				१४
२. भूरिदत्तचरियं			• •	१५
३. चम्पेय्यनागचरियं				१५
४. चूलबोधिचरियं			4 4	१६
५. महिंसराजचरियं				१७
६. रुरुराजचरियं	• •			१८
७. मातङ्गचरियं				38
८. धम्माधम्मदेवपुत्तचरियं				38
९. जयद्दिसचरियं				२०
१०. सङ्ख्यालचरियं				२१

[२]

ततियो परिच्छेदो

		नक्खम्म प	गरामता		
₹.	युधञ्जयचरियं				२२
₹.	सोमनस्यचरियं				२२
₹.	अयोधरचरियं				२४
٧,	भीसचरियं				२४
५.	सोणपण्डितचरियं				२५
	=	वतुत्थो प अधिट्ठानप	(रिच्छेदो परमिता		
₹.	तेसियचरियं		••		२६
	प	ञ्चमो प	रिच्छेदो		
		सच्चपा	रमिता -		
₹.	कपिराजचरियं				२८
₹.	सच्चसव्ह्यपण्डितच	रियं			२८
₹.	वट्टपोतकचरियं	• •			२८
	मच्छराजचरियं				३६
	कण्ह्दीपायनचरियं				३०
٤.	सुतसोमचरियं			• •	३१
		छहो पा	रिच्छेदो		
		मेत्तापा	रमिता		
ξ.	सुवण्णसामचरियं				३३
₹.	एकराजचरियं				३३
		उपेक्खाप	गरमिता		
₹.	महालोमहंसचरियं			• •	३५

चरियापिटकं

पठमो परिच्छेदो

दानपारमिता

१-अकित्ति-चरियं ।

कप्पे च सत-सहस्से चतुरो च असङ्खेय्ये
एत्थं न्तरे यं चरितं सब्बं तं बोधिपाचनं ॥१॥
अतीतकप्पे चरितं ठपयित्वा भवाभवे
इमिन्ह कप्पे चरितं पविक्विस्सं सुणोहि मे ॥२॥
यदा आहं (अहं) ब्रहार्ञ्ञे सुञ्ञे विविनकानने
अज्झोगाहेत्वा विहरामि अकित्तनाम तापसो ॥३॥
तदा मं तपतंजेन सन्तत्तो विदिवाधिभू विधारतो ब्राह्मणवण्णं भिक्खाय मं उपागमि ॥४॥
पवणा आभटं पण्णं अतेलञ्च अलोणिकं
मम द्वारे ठितं दिस्वा सकटाहेन आकिरि ॥५॥
तस्स दत्वान'हं पण्णं निक्कुज्जित्वान भाजनं
पुनेसनं जहित्वान पाविसि पण्णसालकं ॥६॥
दुतियम्प तियम्प उपगञ्छ मम'न्तिकं
अकिम्पतो अनोलग्गो एवमेवमदा'सहं (एवमेव अदास'हं) ॥७॥

[°] Cf. Akitti-Jātal.a, Jāraka, Vol. IV, 236-42, ^२ इन्ह:

न में तप्पच्चया अत्थि सरीरस्मि विविष्णयं पीतिसुखेन रितया वीतिनामेमि तं दिवं ॥८॥ यदि मासम्पि द्वेमासं दिव्यणेय्यं वरं लभे अकिम्पतो अनोलीनो ददेय्यं दानमुक्तमं ॥९॥ न तस्स दानं ददमानो यसं लाभञ्च पत्थायं सब्बङ्कातं पत्थयानो तानि कम्मानि आचरिन्ति ॥१०॥

२-सङ्ख्यरियं ।

पुनापरं यदा होमि ब्राह्मणो सङ्ख्यसव्हयो महासमुद्दं तरित्कामो उपगच्छामि पट्टनं ॥१॥ तत्थ'दृसामि (तत्थ अदस्सि) पटिपथे सयम्भूमपराजितं कन्तारद्वानं पटिपन्नं तत्ताय कठिनभिमया ॥२॥ तमहं पटिपथे दिस्वाइममत्थं विचिन्तिय इदं खेत्तं अनुपतं पृञ्ञाकामस्य जन्तुनो ॥३॥ यथापि कस्सको पुरिसो खेत दिस्वा महागम तत्थ बीजं न रोपेति न सो घञ्ञोन अत्थिको ॥४॥ एवमेवाहं पुञ्जाकामी दिस्वा खेत्तवरुनमं यदि तत्थ कारं न करोमि नाहं पृञ्जोन अस्थिको ॥५॥ यथा अमच्चो मृद्दिकामो रञ्ञो अन्तेपुरे जने न देति तेसं धनधञ्ञां मृहितो परिहायित ॥६॥ एवमेवाहं पुञ्ञाकामो विपुलं दिस्वान दक्क्विणं यदि तस्स दानं न ददामि परिहायिस्सामि पुञ्जातो ॥७॥ एवाहं चिन्तयित्वान ओरोहित्वा उपाहना तरम पादानि वन्दित्वा अदासि छन् पाहनं ॥८॥ तनेवाहं सतग्णतो सुख्मालो सुखे ठितो अपि च दानं परिपुरेन्तो एवं तस्स अदासहं ति ॥९॥

⁹ Cf. Sańkhapāla-Jātaka, Jātaka, Vol. V, pp. 161-71.

३--कुरुधम्मचरियं ।

पुनापरं यदा होमि इन्दपट्टे र (इन्दपत्ते) पुरुत्तमे राजा धनञ्जयो नाम कुसले दसहपागतो ॥१॥ कालिङ्गरद्वा विसया ब्राह्मणा उपगञ्छुं (उपगञ्छु) मं आयाचं मं हत्थिनागं धञ्ञां मङ्गलसम्मतं ॥२॥ अवृद्धिको जनपदो दृब्भिक्खो छातको महा ददाहि पवरं नागं नीलं अङ्गनसव्हयं ॥३॥ न मे याचकमन्पत्ते पटिक्खेपो अन्च्छवो मा मे भिज्जि समादानं दस्सामि विपूछं गजं ॥४॥ नागं गहेत्वा सोण्डाय भिक्कारे रतनामये जलं हत्थे आकिरित्वा ब्राह्मणानं अदं गजं ॥५॥ तस्मि नागे पदिन्नम्हि अमच्चा एतदब्रवुं किन्नुतृथ्हं वरं नागं याचकानं पदम्ससि ॥६॥ धञ्ञां मङ्गलसम्पन्नं सङ्गामविजयुत्तमं तिसम नागे पदिन्निम्ह किन्ते रज्जं करिस्सतीति ॥७॥ रज्जम्पि मे ददे सब्बं सरीरं दज्जमत्तनो सब्बञ्जातं पियं मय्हं तस्मा नागमदासहन्ति ॥८॥

४-महासुदस्मनचरियं ।

कुसार्वातम्हि नगरे यदा आसि महीपति महासुदस्सनो नाम चक्कवत्ती महब्बळो ॥१॥ तत्थाहं दिवसे तिक्खत्तुं घोसापेमि तहिं तहिं को कि इच्छति पत्थेति कस्म कि दीयतु धनं ॥२॥

⁹ Cf. Kurudhamma Jātaka, Jātaka, Vol. 11, 365-381.

^{*} Capital city of Kurus.

Cf. Mahā Sudassana Jātaka, Jātaka, Vol. 1, 391-393.

को छातको को तसितो को मालं को विलेपनं नानारत्तानि वत्थानि को नग्गो परिविह्ससित ॥३॥ को पथे छत्तमादेति कोपाहना मुदुसभा इति सायञ्च पातो च घोसापेमि तिहं तिहं ॥४॥ न तं दससु ठानेसु न पि ठानसतेसु वा अनेकसतट्ठानेसु पिटयत्तं याचके धनं ॥५॥ दिवा वा यदि वा रत्ती यदि एति वनीपको (विनिब्बके) लद्धा यदिच्छिकं भोगं पुरहत्थो व गच्छिति ॥६॥ एवरूपं महादानं पि अदासि यावजीविकं नपाहं देस्सं धनं दिम्म पि नित्थ निचयो मिष ॥७॥ यथापि आनुरो नाम रोगतो परिमुत्तिया धनेन वज्जं तप्पेत्वा रोगतो परिमुच्चित ॥८॥ तथेवाहं जानमानो परिपूरेतुमसेसतो ऊनधनं पूरियतुं देमि दानं वनीपके (वनीब्बके) निरालयो अपच्चायो सम्बोधिमनुपत्तियाति ॥९॥

५-महागोविन्दचरियं ।

पुनापरं यदा होमि सत्तराजपुरोहितो पूजितो नरदेवेिह महागोबिन्दो ब्राह्मणो ॥१॥ तदाहं सत्तरज्जेसु यं मे आसि उपायनं तेन देमि महादानं अक्कोब्भं सागरूपमं ॥२॥ न मे देस्सं धनधञ्ञां न पि नित्थ निचयो मिय सब्बञ्ज्युतं पियं मय्हं तस्मा देमि वरं धनन्ति ॥३॥

⁴ In the P.T.S. edition, it is mahabbhalo which is incorrect.

⁷ Cf. Mahā Govinda Suttanta, Digha.N., Vol. II.

६-निमिराजचरियं ।

पुनापरं यदा होमि मिथिलायं पुरूत्तमे
निमि नाम महाराजा पण्डितो कृसलिथको ॥१॥
तदाहं मापियत्वान चतुसालं चतुमुखं
तत्थ दानं पवत्तींस मिग-पिक्ख-नरादीनं ॥२॥
अच्छादनञ्च सयनञ्च अन्नपानञ्च भोजनं
अब्भोच्छिन्नं करित्वान महादानं पवत्तींय ॥३॥
यथापि सेवको सामि धनहेतुमुपागतो
कायेन वाचा मनसा आराधनीयमेसति ॥४॥
तथे'वाहं सब्बभवे परियेस्सामि बोधिजं
दानेन सत्ते तप्पेत्वा इच्छामि वोधिमुत्तमन्ति ॥५॥

9-चन्दकुमारचरियं ।

पुनापरं यदा होमि एकराजस्स अत्रजो नगरे पुष्फवितया कुमारो चन्दसन्हयो ॥१॥ तदाहं यजना मृत्तो निक्खन्तो यञ्ञ्ञावाटको (पानतो, बाटतो) संवेगं जनियत्वान महादानं पवन्तियं ॥२॥ नाहं पिवामि खादामि न पि भुञ्जामि भोजनं दिक्खणेय्यं अदत्वान अपि छप्पञ्चरित्तयो ॥३॥ यथापि वाणिजो नाम कत्वान भण्डसञ्चयं यत्थ लाभो महा होति तत्थाहरति (तत्थनं हरित) भण्डकं ॥४॥ तत्थेव सकभुनापि परे दिशं महष्फलं तस्मा परस्स दात्व्वं सत्भागो भविस्सति ॥५॥

⁹ Cf. Nimi Jātaka, Vol. VI, 95-129.

[₹] Capital of the Videhas.

³ Cf. Khaṇḍahāla Jātaka, Jātaka, Vol. VI, 129-155.

^{*} Another name of Benares (Jātaka, Vol. IV, p. 119).

एतमत्थवसं ञ्जत्वा देमि दानं भवाभवे न पटिक्कमामि दानतो सम्बोधिमनुपत्तियाति ॥६॥

८-सिविराजचरियं ।

अरिद्वसव्हये रे नगरे सिवि नामासि खिनयो निसज्ज पासादवरे एवं चिन्तेसऽहं तदा ॥१॥ यं किञ्चि मान्सं दानं अदिन्नं मे न बिज्जित यो पि याचेय्य मं चक्खं ददेय्यं अविकम्पिता ॥२॥ मम सङ्कष्पमञ्जाय सक्को देवानमिस्सरी निसिन्नो देवपरिसाय इदं वचनमर्बाव ॥३॥ निसज्ज पासादवरे सिविराजा महिद्धिको चिन्तेन्तो विविधं दानं अदेय्यं सो न परमति ॥४॥ तथं न वितथन्नेतं हन्द विमंसयामि तं मृहत्तं आगमेय्याथ याव जानामि तं मनन्ति ॥५॥ पवेधमानो फलितसिरो वलितगत्तो जरातूरो अन्धवण्णो व हत्वान राजानं उपसङ्कमि ॥६॥ सो तदा पग्गहेत्वान वामं दिक्षणवाह च सिरस्मि अञ्जलि कत्वा इदं वचनमग्रवि ॥।।।। याचामि तं महाराज धम्मिक रद्व वङ्ढन तव दानरता कित्ति उग्गता देवमान्से ॥८॥ उभोपि नेत्ता नयना अन्धा उपहता मम एकं मे नयनं देहि त्वस्पि एकेन यापय (यापया) ति ॥९॥ तस्साहं वचनं मृत्वा हट्टो संविग्गमानसो कतञ्जली वेदजातो इदं वनमब्रीव ॥१०॥ इदानाहं चिन्तयित्वान (चिन्तयित्वा) पासादनो इधागनो त्वं मम चिनमञ्जाय नेत्तं याचित्मागतो ॥११॥

⁹ Cf. Sivi-Jātaka, Jātaka, Vol. 1V, 401-412.

^{*} Capital of Sivi Kingdom.

अहो मे मानसं सिद्धं सङ्कष्पो परिपूरितो अदिन्नपुड्वं दानवरं अज्ज दस्सामि याचके ॥१२॥
एहि सीवक उट्ठेहि मा दन्तिय मा पवेष्यि
उभोपि नयने देहि उप्पाटेत्वा वित्व्वके (विन्व्वके) ॥१२॥
ततो सो चोदितो मय्हं सीवको वचनं करो
उद्धरित्वान पादासि तालिमञ्जं य याचके ॥१८॥
ददमानस्स देन्तस्स दिन्नदानस्स मे सतो
चित्तस्स अञ्ज्ञाथा नित्थ वोधिया येव कारणा ॥१५॥
न मे देस्सा उभो चक्यु अत्ता न मे न देस्सियो
सब्बञ्ज्ञातं पियं मय्हं तस्मा चक्यू अदासहित्त (अदासिहित्त) ॥१६॥

९-वेस्सन्तरचरियं ।

या में अहोसि जनिका फुस्सती नाम खिन्या सा अतीतामु जातिमु सक्कस्स च महेसिया ॥१॥ तस्सा आयुक्खयं दिस्वा देविन्दो एतदब्रविः— ददामि ते दस वरं (वरं) वर भहे यदिच्छगीति ॥२॥ एवं वृत्ता च सा देवी सक्कं पुरिन्द (पुनिद) मब्रियि किन्नु में अपराधित्थ किन्नु देस्साअहन्तव रस्मा चावेसि मं ठाना बातो व धर्राण कहिन्त ॥३॥ एवं वृत्ते च सो सक्कं पुन तस्येदमब्रिव (तस्सीदमब्रिव) न चेव ते कतं पापं न च में त्वमिस अप्या ॥४॥ एतकं येव ते आयुं चवनकालो भविस्सित ॥५॥ एतकं येव ते आयुं चवनकालो भविस्सित ॥५॥ सक्कं न सा दिश्वया तुट्टहृहृ। पमोदिता ममं अब्भन्तरं कत्वा फुसती दस वरे वरी ॥६॥

^{*} Sinhalese edition omits this #1

^{*} Vessantara Jātaka, Jātaka, Vol. VI, 479-539.

ततो चुता सा फुसती खत्तिये उपपज्जथ जेतूत्तरम्हि नगरे १ सञ्जयेन समागमि ॥७॥ यदाहं (तदाहं) फुसतिया कुच्छि ओक्कन्तो पियमात्र्या मम तेजेन मे माता सदा दानरता अह ॥८॥ अधने आतुरे जिण्णे याचके पद्विके जने समणब्राह्मणे खीणे देति दानं अकिञ्चने ॥९॥ दसमासे धारयित्वान करोन्ते पूरपदिक्खणं वस्सानं वीथिया मज्झे जनेसि फुसती ममं ॥१०॥ न मय्हं मेत्तिकं नामं न पि मेत्तिकसम्भवं जातोम्हि वेस्सवीथिया तस्मावेस्सन्तरो अहु ॥११॥ यदाहं दारको होमि जातिया अट्टवस्सिको तदा निसज्ज पासादे दानं दातुं विचिन्तियं ॥१२॥ हदयं ददेय्यं चक्खं मंसिम्प रुहिरिम्प च ददेय्यं कायं याचेत्वा (सावेत्वा) यदि कोचि याचयेममं ॥१३॥ सभावं चिन्तयन्तस्स अकम्पितमसण्ठितं अकम्पि तत्थ पठवी सिनेरुवनवटं सका ॥१४॥ अद्बद्धमासे पण्णरसे पृण्णमासे उपोसथे पच्चयं नागमारुय्ह दानं दातं उपागमि ॥१५॥ कालिङ्गरद्व विसया ब्राह्मणा उपगञ्छं मं आयाचुं मं हत्थिनागं (पच्चयं नागं) धञ्ञ्मक्रगलसम्मतं ॥१६॥ अव्द्वितो जनपदो दुब्भिक्यो छातको महा ददाहि पवरं नागं सब्बसेतं गज्तमं ॥१७॥ ददामि न विकम्पामि यं मं याचन्ति ब्राह्मणा सन्तं नप्पटिगहामि दाने मे रमती मनो ॥१८॥ न में याचक मन्पत्ते पटिक्खेपो अनुच्छवो मा मे भिज्जि समादानं दस्सामि विपूर्वं गर्ज ॥१९॥ नागं गहेत्वा सोण्डाय भिक्तकारे रतनामये जलं हत्थे आकिरित्वा ब्राह्मणानं अदं गजं ॥२०॥ पुनापरं ददन्तस्स सब्बसेतं गज्तमं तदापि पठवी कम्पि सिनेरूवनवटंसका ॥२१॥

^{*} Capital of Vessantara in the Kingdom of Sivi.

तस्स नागस्स दानेन सिवयो कुद्धा समागता पब्बाजेस्ं सका रहा वङकं गच्छत् पब्बतं ॥२२॥ तेसं निच्चभमानानं अकम्पितमसण्ठितं महादानं पवत्तेतुं एकं वरमयाचिस्सं ॥२३॥ याचिता सिवयो सब्बे एकं वरमदंसु मे आयाच (आसाव) यित्वा कण्णभेरि महादानं ददाम'हं ॥२४॥ अथेत्थ वत्तति सद्दो तुमुलो भेरवो महा दानेन मं नीहरन्ति पून दानं ददाम'हं ॥२५॥ हत्थी अस्से रथे दत्वा दासी दासं गवन्धनं महादानं दिदत्वान नगरा निक्खमि तदा ॥२६॥ निक्खमित्वान नगरा निवत्तित्वा विलोकिते तदापि पठवी कम्पि सिनेरुवनवटंसका ॥२७॥ चत्रवाहि रथं दत्वा ठत्वा चात्रमहापथे एकाकियो अद्तियो महिदेवि इदमब्रवि ॥२८॥ त्वं महिकण्हं गण्हाहि लहका एसा कनिद्रका अहं जािं गहेस्सामि गरुको भातिको हि सो ॥२९॥ पद्मं पुण्डरीकंव मही कण्हाजिनमग्गही अहं सूवण्णविम्बं व जालि खत्तियमग्गहि जलं हत्ये आकिरित्वा वाह्मणानं अदं गजं ॥३०॥* अभिजाता स्वमाला खत्तिया चत्रो जना विसम समं अक्कमन्ता वद्भकं गच्छाम पब्बतं ॥३१॥ ये केचि मनुजा यन्ति अनुमग्गे पटिपथे मग्गन्ते पटिपुच्छाम कृहिं वक्तकतपब्बतो ॥३२॥ ते तत्थ अम्हे पस्सित्वा करुणं गिरमुदीरयुं दुक्खन्ते पटिवेदेन्ति दूरे वङ्कतपब्बतो ॥३३॥ यदि पस्सन्ति पवने दारका फलिते दुमे तेसं फलानं हेतुम्हि उपरोदन्ति दारका ॥३४॥ रोदन्ते दारके दिस्वा उब्बिधा विपूला दूमा सयमेव ओणमित्वान उपगच्छन्ति दारके ॥३५॥

^{*} Simhalese edition omits this line.

3.8

इदमच्छरियं दिस्वा अब्भुतं लोमहंसनं साधुकारं पवत्तेसि मद्दी सब्बद्धगसोभना ॥३६॥ अच्छेरं तवलोकस्मि अब्भुतं लोमहंसनं वेस्सन्तरस्स तेजेन सयमेव ओणता दुमा ॥३७॥ सङ्खिपंसू पथं यक्खा अनुकम्पाय दारके निक्बन्तदिवसेनेव चेतरद्वमुपागम् ॥३८॥ सिंदू राजसहस्सानि तदावसन्ति मातृला सब्बे पञ्जलिका हुत्वा रोदमाना उपागम् ॥३९॥ तत्थ वत्तेत्वा सल्लापं चेतेहि चेतपूत्तेहि ते ततो निक्खमित्वान वद्भकं अगम् पब्बतं ॥४०॥ आमन्तयित्वा देविन्दो विस्सूकम्मं महिद्धिकं अस्समं स्कटं रम्मं पण्णसालं सुमापय ॥४१॥ सक्कस्स वचनं सुत्वा विस्सुकम्मो महिद्धिको अस्समं सुकटं रम्मं पण्णसालं सुमापयि ॥४२॥ अज्झोगाहेत्वा पवनं अप्पसद्दं निराकुलं चतुरो जना मयं तत्थ वसाम पब्बतन्तरे ॥४३॥ अहञ्च मद्दी देवी च जालिकण्हाजिना चुभो अञ्ञामञ्ञां सोकनुदा वसाम अस्समे तदा ॥४४॥ दारके अन्रक्खन्तो असूङङ्गो होमि अस्समे मही फलं आहरति पोसंति सा तयो जने ॥४५॥ पवने वसमानस्स अद्विको मं उपागमि आयाचि पुत्तके मय्हं जालिकण्हाजिने चभो ॥४६॥ याचकमुपगतं दिस्वा हासो मे उपपज्जथ उभो पुत्ते गहत्वान अदासि ब्राह्मणे तदा ॥४७॥ सक पुत्ते चनन्तस्स याचकं ब्राह्मणे यदा तदापि पठवी कम्पि सिनेरुवनबटंसका ॥४८॥ पुनदेव सक्को ओरुव्ह हृत्वा ब्राह्मणसन्निभो आयाचि मं महिदेवि सीलवति पतिब्बतं ॥४९॥ महिं हत्थे गहेत्वान उदकञ्जलि पूर (रि) य पसन्नमनसङ्कप्पो तस्स मद्दि अदासऽहं ॥५०॥ महिया दीयमानाय गगने देवा पमोदिता तदापि पठवी कम्मि सिनेहवनवटंसका ॥५१॥

जालिकण्हाजिनं धीतं मिह्देवि पतिब्बतं चज्जमानो न चिन्तेसि बोधिया येव कारणा ॥५२॥ न मे देस्सा उभो पुत्ता मद्दी देवी न देस्सिया सब्बञ्ज् तं पियं मय्हं तस्मा पिये आदास'हं ॥५३॥ पुनापरं ब्रहारञ्जो मातापितुसमागमे करुणं परिदेवन्ते सल्लपन्ते सुखं दुक्खं ॥५४॥ हिरोत्तप्पेन गरुना उभिन्नं उपसङ्किम तदापि पठवी कम्पि सिनेरुवनवटंसका ॥५५॥ पुनापरं ब्रहारञ्जा निक्खमित्वा सञ्जातिभि पविस्सामि पुरं रम्मं जेतुत्तरं पुरुत्तमं ॥५६॥ रतनानि सत्त वरिसमु महामेघो पवस्सथ तदापि पठवी कम्पि सिनेरुवनवटंसका ॥५७॥ अचेतनायं पठवी अविञ्जाय सुखं दुक्खं सापि दानवला मय्हं सत्तक्खत्तुं पकम्पथाति ॥५८॥ सापि दानवला मय्हं सत्तक्खत्तुं पकम्पथाति ॥५८॥

१०-ससपण्डितचरियं ।

पुनापरं यदा होमि ससको पवनचारिको तिणपण्णसाकफलभक्त्यो परहेटनिवविज्जितो ॥१॥ मक्कटो च सिङ्गालो च उद्दुपोतो चऽहं तदा वसाम एकसामन्ता सायं पातो पदिस्सरे ॥२॥ अहं ते अनुसासामि किरिये कल्याणपापके पापानि परिवज्जेथ कल्याणे अभिनिस्सथ ॥३॥ उपोसथम्हि दिवसे चन्दं दिस्वान पूरितं एतेसं तत्थ आचिक्त्यि दिवसो अज्जुपोसथो ॥४॥ दानानि पटियादेथ दिक्ल्षणेथ्यस्स दातवे दत्वा दानं दिक्ल्णेथ्यं उपवस्सथुपोसथं ॥५॥ ते मे साधूति वत्वान यथासत्ति यथावलं दानानि पटियादत्वा दिक्ल्णेथ्यं गवेसिसु ॥६॥

⁹ Cf. Sasa-Jātaka, Jātaka, Vol. III, 51-56.

अहं निसज्ज चिन्तेसि दानं दिक्खणनच्छवं यदि'हं लभे दक्खिणेय्यं कि मे दानं भविस्सति ॥७॥ न मे अत्थि तिला मुग्गा मासावा तण्डला घतं अहं तिणेन यापेमि न सक्का तिणं दातवे ॥८॥ यदि कोचि एति दक्खिणेय्यो भिक्खाय मम सन्ति के दज्जाहं सकमत्तानं नसो तुच्छो गमिस्सति ॥८॥ मम सङ्कप्पमञ्जाय सक्को ब्राह्मणविणना आसयं मे उपागञ्छि दानवीमंसनाय मे ॥१०॥ तमहं दिस्वान सन्तद्दो इदं वचनमव्रवि साधु खो'सि अनुपत्तो घासहेतु ममन्तिके ॥११॥ अदिन्नपुब्बं दानवरं अज्ज दस्सामि ते अहं त्वं सीलगुण्पेतो अयुत्तं ते परहेठनं ॥१२॥ एहि अग्गि पदीपेहि नानाकट्टे समानय अहं पचिस्समत्तानं पक्कं त्वं भक्खियस्समीति ॥१३॥ साधू'ति सो हट्टमनो नानाकट्टे समानिय महन्तं अकासि चितकं कत्वान'ङगारगब्भकं ॥१४॥ अग्गिं तत्थ पदीपेति यथा सो खिप्पं महाभवे फोटेत्वा राजगते गत्वा एकन्तं उपाविसि ॥१५॥ यदा महा कट्रपूञ्जो आदित्तो धूममायति तद्प्पतित्वा पपति मज्झे जालसिखन्तरे ॥१६॥ यथा सीतोदकं नाम पविट्टं यस्मकस्सचि समेति दरथं परिलाहं अस्सादं देति पीति च ॥१७॥ तथेव जलितं अग्गि पविद्रस्स ममं तदा सब्बं समेति दरथं यथा सीतोदकं विय ॥१८॥ छविचम्मं मंसं नहारं अद्विहदयबन्धनं केवलं सकलं कायं ब्राह्मणस्स अदास'हंति ॥१९॥ अकत्ति ब्राह्मणो सङ्खो कुरुराजा धनञ्जयो महासुदस्सनो राजा महागोविन्द ब्राह्मणो ॥२०॥ निमि चन्दकुमारो च सिवि वेस्सन्तरो ससो अहमेव तदा आसि यो ते दानवरे अदा ॥२१॥ एते दानपरिक्खारा एते दानस्स पारमी जीवितं याचके दत्वा इदं पारमी पूरियं ॥२२॥

भिक्खायुपगतं दिस्वा सकत्तानं परिच्चिजं दानेन मे समो नऽित्थ एसा मे दानपारमीति ॥२३॥ दानपारमिता निट्टिता ॥

दुतियो परिच्छेदो

सीलपारमिता

१-सीलवनागचरियं १।

यदा अहोसि पवने कुञ्जरो मात्पोसको न तदा अत्थि महिया गुणेन मम सादिसो ॥१॥ पवने दिस्वा वनचरो रञ्जो मं पटिवेदिय तवनुच्छवो महाराज गजो वसति कानने ॥२॥ न तस्स परिक्लायत्थो न पि आलककास्या समागहिते सोण्डाय सयमेव इधेहिति ॥३॥ तस्स तं वचनं सृत्वा राजापि तुद्रमानसो पेसेसि हत्थिदमकं छेकाचरियं सुसिक्खितं ॥४॥ गन्त्वान सो हत्थिदमको अदस्स पद्मस्सरे भिसमूळं (मूलालं) उद्धरन्तं यापनत्थाय मातृया ॥५॥ विञ्ञाय मे सीलग्णं लक्खणं उपधारिय एहि पुताति वत्वान मम सोण्डाय अग्गहि ॥६॥ यम्मे तदा पाकतिकं सरीरानगतं वलं अज्जनागसहस्सानं बलेन समसादिसं ॥७॥ यदि'हं तेसं पकूष्पेय्यं उपेतं गहणाय मं पटिवलो भवे तेसं याव रज्जम्पि मान्सं ॥८॥ अपि चाहं सीलरक्वाय सीलपारिमपूरिया न करोमि चित्ते अङ्ग्ङात्थत्तं पक्खिपन्तं ममालके ॥९॥ यदि ते मं तत्थ कोट्ठेय्युं फरमूहि तोमरेहि च नेव तेसं पकूप्पेय्यं सीलखण्डभया ममाति ॥१०॥

⁹ Cf. Sîlavanāga Jātaka, Jātaka, Vol. I, pp. 319-322.

२-भूरिदत्तचरियं।

पुनापरं यदा होमि भूरिदत्तो महिद्धिको विरूपक्लेन महारञ्ञा देवलोकमगञा्छ (छ) हं ॥१॥ तत्थ पस्सित्वाहं देवे एकन्तं सुखसमप्पिते तं मग्गं गमनत्थाय सीलब्बतं समादयि ॥२॥ सरीरिकच्चं कत्वान भत्वा यापनमत्तकं चत्रो अद्भगे अधिद्वाय सेमि वस्मिकमुद्धनि ॥३॥ छविया चम्मेन मंसेन नहार अद्विके हि वा यस्स एतेन करणीयं दिन्नं येव हरात् सो ॥४॥ संसितो अकतञ्ज्ना आलम्पानो ममग्गहि पेलाय र पिक्खपेत्वान कीलेति मं तिहं तिहं ॥५॥ पेलाय पिक्यिपन्तेपि सम्मद्दन्ते पि पाणिना आल (म्वने) म्पानेन न कुप्पामि सीलखण्डभया मम ॥६॥ सकजीवितपरिच्चागो तिणतो लहको मम सीलवीटिक्कमो भय्हं पठवी उप्पत्तना विय ॥७॥ निरन्तरं जातिसतं चजेय्यं मम जीवितं नेव सीलं पभिन्देय्यं चतुदीपान हेतु पि ॥८॥ अपि चाहं सीलरक्लाय सीलपारमिपूरिया न करोमि चित्ते अञाञाथत्तं पक्षियपन्तम्पि पेलके ति ॥९॥

३-चम्पेय्यनागचरियं ।

पुनापरं यदा होमि चम्पेय्यको महिद्धिको तदापि धम्मिको आसि (सि) सीलब्बतसमप्पितो ॥१॥ तदापि मं धम्मचारि उपबृट्ठा उपोस्थ अहिकुण्डिको गहेत्वान राजदारम्हि कील.ति ॥२॥

[°] Cf. Bhūridatta-Jātaka, Jātaka, Vol. VI, 157-219.

^{*} Snake charmer's basket where the snakes are kept.

³ Cf. Campeyya Jātaka, Jātaka, Vol. IV, pp. 454-468.

यं सोवण्णं चिन्तयित नीलपीतं व लोहितं
तस्स चित्तानुवत्तन्तो होमि चिन्तितसिन्नभो ॥३॥
थलं करेय्यं उदकं उदकम्पि थलं करे
यदि हं तस्स पकुप्पेयं खणेन छारिकं करे ॥४॥
यदि चित्तवसी हेस्सं परिहायिस्सामि सीलतो
सीलेन परिहीनस्स उत्तमत्थो न सिज्झित ॥५॥
कामं भिज्जतु यं कायो इथेव विकिरीयतु
नेव सीलं पभिन्देय्यं विकिरन्ते भुसं विया ति ॥६॥

४-चूलबोधिचरियं ।

पुनापरं यदा होमि च्लबोधि सुसीलवा भवं दिस्वान भयतो नेक्खम्मं अभिनिक्खमि ॥१॥ यामे दुतियिका आसि ब्राह्मणी कनकसन्निभा सा विवट्ठे अनपेक्खा नेक्खम्मं अभिनिक्खमि ॥२॥ निरालया छिन्नभन्दू अनपेक्खाकुले गणे चरन्ता गामनिगमं बाराणसिमुपागम् ॥३॥ तत्थ वसाम निपका असंसद्वा कुछे गणे निराकुले अप्पसद्दे राज्य्याने वसामुभो ॥४॥ उय्यानदस्सनं गन्त्वा राजा अद्दस ब्राह्मणि उपगम्म ममं पुच्छि तृय्हेसा कस्स भरियाति ॥५॥ एवं वृत्ते अहं तस्स इदं वचनमन्नवि न मय्हं भरिया एसा सहधम्मा एकसासनी ॥६॥ तस्सा सारत्ताधिगतो गाहापेत्वान चेतक निप्पील यन्तो बलसा अन्तेपूरं पवेसिय ॥७॥ ओदपत्तिकिया मय्हं सहजा एकसासनी आकड्ढित्वा न (नि) यन्तिया कोपो मे उपपज्जथ ॥८॥ सह कोपे समुप्पन्ने सीलब्बतमनुस्सरि तत्थेव कोपं निग्गण्हिं नादासि वुड्ढितुं (वड्ढतू) परि ॥९॥

⁹ Cf. Cullabodhi-Jātaka, Jātaka, Vol, IV, 22-27.

यदि नं ब्राह्मणि कोचि कोट्ठेय्य तिण्हसतिया नेव सीलं पभिन्देय्यं बोधिया येव कारणा ॥१०॥ न मे सा ब्राह्मणी देस्सा न पि मे वलं न विज्जति सब्बञ्ज्तुतं पियं मय्हं तस्मा सीलान्सक्विस्सन्ति ॥११॥

५-महिंस-राज-चरियं ।

पूनापरं यदा होमि महिसो (महिस) वनचार (रि) को पवड़ढकायो वलवा महन्तो भीमदस्सनो ॥१॥ पब्भारे गिरिद्रगों च रुक्षमुले दकासये होतेत्थ ठानं महिंसानं कोचि कोचि तर्हि तर्हि ॥२॥ विचरन्तो ब्रहारञ्ञो ठानं अदृस भट्टकं तं ठानं उपगन्त्वान तिट्टामि च सयामि च ॥३॥ अथेत्थ कपिमागन्त्वा पापो अनरियो खन्दे नलाटे भमके मत्तेति ओहनेति तं ॥४॥ सिकस्पि दिवसं दृतियं तितयं चतुत्थिन्य च दुसेति मं सब्बकालं तेन होमि उपद्दू तो ॥५॥ ममं उपद्दुतं दिस्वा यक्को मं इदमत्रवि नासहेतं छवं पापं सिङगेहि च खुरेहि च ॥६॥ एवं वत्ते नदा यक्ष्ये अहं तं इदमव्रवि कि त्वं मक्ष्वेसि कृणपेन पापेन अनरियेन मं ॥७॥ यदिहं तस्म कृप्पेय्यं ततो हीनतरो भवे सीलञ्च मे पभिज्जेय्य विञ्ञा च गहरेय्युं (गरहेय्युं) मं ॥८॥ हीलिता जीविता वापि परिसद्धेन मतं वरं क्याहं जीवितहेत्पि काहामि परहेठनं ॥९॥ ममेवायं मञ्जामानो अञ्जोपेवं करिस्सति ते व तत्थ वधिस्सन्ति सा मे मित्त भविस्सिति ॥१०॥ हीनमज्झिमउक्कट्ठे सहन्तो अवमानितं एवं लभति सप्पञ्जो मनसा यथा पत्थितन्ति ॥११॥

⁹ Mahisa-Jātaka, Jātaka, Vol. II, 385-387.

६-करुराज-चरियं ।

पुनापरं यदा होमि सुतत्तकनकसन्निभो मिगराजा रुरुनाम परमसीलसमाहितो ॥१॥ रम्मे पदेसे रम्मणीये विवित्ते अमनुस्सके तत्थ वासं उपागञ्छि गङ्गाकूले मनोदमे ॥२॥ अथ उपरि गङ्गाय धनिकेहि परिपीलितो पुरिसो गङ्गगाय पतित जीवामि वा मरामि वा ॥३॥ र्रात्त दिवं सो गङ्गगाय वुय्हमानो महोगके रवन्तो करुणं रवं मज्झे गङ्गगाय गच्छति ॥४॥ तस्साहं सद्दं मुत्वान करुणं परिदेवतो गडत्गाय तीरे ठत्वान अपूच्छिं कोसि त्वं नरो ॥५॥ सो मे पुद्रो च व्याकासि अत्तनो कारणं तदा धनिकेहि भीतो तसितो पक्खन्तोऽहं महानदि ॥६॥ तस्स कत्वान कारुञ्जञ्चजित्वा मम जीवितं पविसित्वा नीहरिन्तस्स अन्धकारमिह रत्तिया ॥ ॥ ॥ अस्सत्था कालमञ्जाय तस्साहमिदगर्वाव एकन्तं वरं याचामि मामं कस्सचि पावद ॥८॥ नगरं गन्त्वान आचिक्यि पूच्छितो धनहेतुको राजानं सो गहेत्वान उपगङ्गाछि ममन्तिकं ॥९॥ यावता कारणं सब्बं रङाञो आरोचितं मया राजा सुत्वान वचनं उस्सुं तस्स विकप्पिय ईधेव घातयिस्सामि मित्तद्बिभमनरियं ॥१०॥ तमहं अनुरक्खन्तो निम्मिनि मम अत्तना :---तिट्ठ ते सो महाराज कामककरो भवामि ते ॥११॥ अनुरक्खिं मम सीलं नारिक्खं मम जीवितं सीलवा हि तदा आसि बोधिया येव कारणा ॥१२॥

Cf. Ruru-Jātaka, Jātaka, Vol. IV. 255-268.

9-मातङ्ग-चरियं ।

पुनापरं यदा होमि जटिलो उग्गतापनो मातङ्गो नाम नामेन सीलवा सुसमाहितो ॥१॥ अहञ्च ब्राह्मणो एको गङ्गगाक्ले वसामुभो अहं वसामि उपरि, हेट्ठा वसति ब्राह्मणो ॥२॥ विचरत्तो अनुकूलिम्ह उद्धं म अस्समद्दस तत्थ मं परिभासेत्वा अभिसपि मुद्धफालनं ॥३॥ यदिऽहं तस्स कुणेस्यं यदि सीलं न गोपये ओलोकेत्वानऽहं तस्स करेस्यं छारिकं विय ॥४॥ यं सो तदा मं अभिसपि कुषितो दृहुमानसो तस्सेव मत्थकं निपति योगेन तं पमोचियं ॥५॥ अनुरक्षियं मम सीलं नारक्षियं मम जीवितं सीलवा हि नदा आसि बोधिया येव कारणाति ॥६॥

८-धम्माधम्मदेवपुत्त-चरियंै।

पुनापरं यदा होमि महायक्यो महिद्धिको
श्रम्मो नाम महायक्यो मब्बळोकान्कम्पको ॥१॥
दसकुमळकम्मपथे समादपेन्द्रो महाजनं
चरामि गामनिगमं समित्तो सपरिज्जनो ॥२॥
पापो कदरियो यक्यो दीपेन्द्रो दस पावके
सो पेत्थ महिया चरित समित्तो सपरिज्जनो ॥३॥
धम्मवादी अधम्मो च उभो पच्चितका मयं
धुरे धुरं घट्टयन्ता समिम्हा पटिपथे उभो ॥४॥
कळहो वत्त्रति अस्मा कल्याणपापकस्स च
समा ओक्कमनत्थाय महायुद्धो उपद्वितो ॥५॥
यदि'ऽहं तस्स पकुष्पेयं यदि भिन्दे त्रपोगुण
सह परिजनन्तस्स रजभूतं करेट्यइहं ॥६॥

⁹ Cf. Mātanga-Jātaka, Jātaka, Vol. IV, 375-390.

^a Cf. Dhamma Jātaka, Jātaka, Vol. IV, pp. 100-104.

अपि चाहं सील-रक्खाय निब्बापेत्वान मानसं सह जनेन ओक्कमित्वा पथं पापस्सऽदासहं ॥७॥ सह पथतो ओक्कन्तो कत्वा चित्तस्स निब्बुति विवरं अदासि पठवी पापयक्खस्स तावदेति ॥८॥

ए-जयद्दिस-चरियं^९।

पञ्चालरट्टो नगरे कप्पिलायं पुरुत्तमे राजा जयद्दिसो नाम सीलगुणमुपागतो ॥१॥ तस्स रञ्ञो अहं पुत्तो सुतधम्मो सुसीलवा अलीनसत्तो गुणवा अनुत्तर- परिज्जनो सदा ॥२॥ पिता मे मिगवं गन्त्वा पोरिसादमुपागमि सो मे पितुमग्गहेसि वक्को सि मम मा चिल ॥३॥ तस्स तं वचनं सूत्वा भीतो तसितवेधितो उरुथ (ख) म्भो अह तस्स दिस्वान पोरिसादकं ॥४॥ मिगवं गहेत्वा मुञ्चस्स् कत्वा आगमनं पून ब्राह्मणस्स धनं दत्वा पिता आमन्तयि ममं ॥५॥ रज्जं पूत्त पटिपज्ज मा पमज्जि पूरं इदं कतं मे पोरिसादेन मम आगमनं पन ॥६॥ मातापित् च वन्दित्वा निमिनित्वान अत्तानं निक्खिपेत्वा धनुखग्गं पोरिसादं उपागमि ॥७॥ ससत्यहत्थपगतं कदाचि सो तसिस्सति तेन भिज्जिस्सति सीलं परित्तासं कते मिय ॥८॥ सीलखण्डभया मय्हं तस्स देस्सं न व्याहरि मेत्तचित्तो हितवादी इदं वचनमर्बावं ॥९॥ उज्जलेहि महा अग्गिं पपतिस्सामि रुक्खतो सम्पत्तकालमञ्जाय भक्खय त्वं पितामह ॥१०॥ इति सीलवतं हेतु नारिक्लं मम जीवितं पब्बाजेसिम (ञ्चा) हं तस्स सदा पाणातिपात (ति) कं ॥११॥

⁹ Cf. Jayaddisa Jātaka, Jātaka, Vol. V, 21-36.

१०-सङ्ख्याल-चरियं ।

पुनापरं यदा होमि सङखपालो महिद्धिको दाठावुधो घोरविसो द्विजिव्हो उरुगाधिभु ॥१॥ चत्पथे महामग्गे नानाजनसमाकुले चतुरो अङ्गो अधिद्वाय तत्थ वासमकप्पियं ॥२॥ छविया चम्मेन मंसेन नहारु-अद्विकेहि वा यस्स एतेन करणीयं दिन्नं येव हरातु सो ॥३॥ अद्दसंसु भोजपुत्ता खरा लुद्दा अकारुणा उपगञ्छं ममं तत्थ दण्डमुग्गरपाणिनो ॥४॥ नासाय विनिविज्झित्वा नङ्गाट्टे पिट्टिकण्टके काजे आरोपयित्वान भोजपुत्ता हरिंसू मं ॥५॥ ससागरन्तं पठवि सकाननं सपब्बतं इच्छमानोचहं तत्थ नासवातेन झापये ॥६॥ मूलेहि विज्झयन्तेषि कोट्टयन्तेषि सत्तिभि भोजपुत्ते न कुप्पामि एसा मे सीलपारमीति ॥७॥ हितथ-नागो भ्रिदत्तो चम्पेय्यो बोधिमाहिसो रुरु मातङ्गो धम्मो च अत्रजो च जयहिसो ॥८॥ एते सब्बे सीलबला परिक्खारा पदेसिका जीवितं परिक्खित्वा सीलानि अनुरक्खिस्सं ॥९॥ सङ्खपालस्स मे सतो सब्बकालम्पि जीवितं यस्स कस्सचि नीयन्तं तस्मा सा सीलपारमी ॥१०॥ सीलपारमिनिद्देसो निद्वितो

⁹ Cf. Saṅkhapāla Jātaka, Jātaka, Vol. V, 161-171.

ततियो परिच्छेदो

नेक्खम्म पारमिता

१--युधञ्जय-चरियं ।

यदा अहं अमितयसो राजपुत्तो युधञ्जयो
उस्साविवन्दुं सुरियातपे पतितं दिस्वान संविजि ॥१॥
तञ्जो वाधिपतिकत्वा संवेगमनुबूहियं
माता पितु च वन्दित्वा पव्यज्जमनुयाचहं ॥२॥
याचन्ति मं पञ्जिलका सनेगमा सरहुका
अज्जेव पुत्त पटिपज्ज इद्धं फीतं महामिहं ॥३॥
सराजके सहोरोधे सनेगमे सरहुके
करुणं परिदेवन्ते अनपेक्खो हि पब्बिज ॥४॥
केवलं पठिवरज्जं ज्ञातिपरिजनं यसं
चजमानो न चिन्तेसि बोधियायेव कारणा ॥५॥
माता पिता न मे देस्सा न पि देस्सं महायसं
सव्यञ्जातिस्यां मण्डां तस्मा रज्जं परिच्चिजिन्त ॥६॥

२-सोमनस्म-चरियं ।

पुनापरं यदा होमि इन्दपट्ठे पुरुत्तमे कामितो दयितो पुनो सोमनस्सोति विस्सुतो ॥१॥

⁹ Cf. Yuvanjaya Jātaka, Jātaka, Vol. IV, 119-123.

Cf. Somanassa Jātaka, Jātaka, Vol. IV, 444-454.

सीलवा गुणसम्पन्नी कल्याणपटिभानवा वुड्ढापचायि हिरिमा सग्झहेसु च कोविदो ।।२।। तस्स रञ्ञो पतिकरो आसि कृहक-तापसो आरामं मालावच्छञ्च रोपित्वान सो जीवति ॥३॥ तमहं दिस्वान कुहकं थुसरासि व अतण्डुलं दुमं अन्तो च सुसिरं कर्दालं व असारकं ॥४॥ नित्थमस्स सतं धम्मो सामञ्जापगतो अयं हिरिस्वकधम्मजहितो जीवितवृत्तिकारणा ॥५॥ कृपितो अहोसि पच्चन्तो अटवीहि परन्तिहि तं निसेधेतुं गच्छन्तो अनुसासि पिता ममं ॥६॥ मा पमज्जि तुवं तात जटिलं उग्गतापनं यदिच्छकं पवत्तेहि सब्बकामददोहि सा ॥ ॥ ॥ तमहं गन्त्वान्पद्वानं इदं वचनमन्नवि कच्चि ते गहपति कुसलं, कि वा ते आहरिय्यत् ॥८॥ तेन सो कृपितो आसि कूहको माननिस्सितो धातापेमि तुवं अज्ज रट्टा पब्बाजयामि वा ॥९॥ निसेधयित्वा पच्चन्तं राजा कृहकमत्रवि कच्चि ते भन्ते खमनीयं सम्मानो ते पवत्तितो तस्स आचिक्यति पापो कुमारो यथा नासितो ॥१०॥ तस्स तं वचनं सृत्वा आनापेनि महीपति सीसं तत्थेव छिन्दित्वा कत्वान चतुखण्डिकं रिथया रिथयं दस्मेथ सा गति जटिलहीलिता ॥११॥ तत्थऽकारुणिका गन्त्वा चण्डालुद्दा अकारुणा मातुअङके निसिन्नस्स आकड्ढित्वा नयन्ति मं ॥१२॥ तेसाहं एवमवचं--वन्धतं गाल्हवन्धनं रञ्ञो दस्सेथ मं खिप्पं राजिकरियानि अत्थि मे ॥१३॥ ते मं रञ्जो दस्सयिस् पापस्स पापसेविनो दिस्वान तं सञ्जापेसि ममञ्च वसनानिय ॥१४॥ सो मं तत्थ खमापेसि महारज्जं अदासि मे सोहं तमं दालयेत्वा पब्बजि अनगारियं।।१५॥ न मे दंस्सं महारज्जं कामभोगो न देस्सियो सब्बञ्ञातम्पियं मय्हं तस्मा रज्जं परिच्चजिन्ति ॥१६॥

३-अयोघर-चरियं ।

पुनापरं यदा होमि कासिराजस्स अत्रजो अयोघरम्हि संवड्ढो नामेनासि अयोघोरो ॥१॥ दुक्खेन जीविको लद्धो सम्पीले. पतिपोसितो अज्जेव पूत्तपटिपज्ज केवलं वसुधं इमं।।२॥ सरद्रकं सनिगमं सजनं वन्दित्वा खत्तियं अञ्जलि पग्गहेत्वान इदं वचनमब्रवि।।३।। ये केचि महिया सत्ता हीनमुक्कठ्ठमज्झिमा निरारक्खा सके गेहे वड्ढन्ति सह ञ्रातिभि ॥४॥ इदं लोके उत्तरीयं सम्पीले. मग पोसनं अयोघरम्हि संवड्ढो अप्पभे चन्दमूरिये।।५॥ पूतिकुणपसम्पुण्णा मुच्चित्वा मात्कुच्छितो ततो घोरतरे दुक्खे पून पिक्खत्तयोघरे ॥६॥ यदिऽहं तादिसं पत्वा दुक्खं परमदारुणं रज्जेस् यदि रज्जामि पापानमुत्तमो सियं।।७।। उक्कण्ठितोऽम्हि कायेन रज्जेनऽम्हि अनित्थको निब्बति परियेसिस्सं यत्थ मं मच्च न महिये ॥८॥ एवाहं चिन्तयित्वान विरवन्तं महाजनं नागो व बन्धनं छेत्वा पाविसि काननं वनं ॥९॥ माता पिता न में देस्सा न पि में देस्सं महायसं सब्बञ्जातम्पियं मय्हं तस्मा रज्जं परिच्चजिन्ति ॥१०॥

४-भीस-चरियं ।

पुनापरं यदा होमि कासिनं पुरवरुत्तमे भगिनी भातरो सत्त निब्बत्ता सोत्थिये कुळे ॥१॥ एतेसं पुब्बजो आसि हिरिसुक्कमुपागतो भवं दिस्वान भयतो नेक्खम्माभिरतो अहं ॥२॥

<sup>Cf. Ayoghara Jātaka, Jātaka, Vol IV, 491-499.
Cf. Bhisa Jātaka, Jātaka IV, 304-314.</sup>

मातापितूहि पहिता सहाया एकमानसा
कामेहि मं निमन्तेन्ति कुलवंसं धारेहीति ॥३॥
यं तेसं वचनं वृत्तं गिहीधम्मे सुखावहं
तं मे अहोसि कठिनं तत्तफालसमं विय ॥४॥
ते मं तदा उक्खिपन्तं पुन्छिंसु पत्थितं मम
किं त्वं पत्थयसि सम्म यदि कामे न भुञ्जिस ॥५॥
तेसाहं एवं अवचं अत्थकामो हितेसिनं
नाहं पत्थिमि गिहीभावं नेक्खम्माभिरतो अहं ॥६॥
ते मय्हं वचनं सुत्वा पितुमातु च सावेय्युं
माता पिता एवमाहु—सब्बेपि पब्बज्जाम भो ॥७॥
उभो मातापिता मय्हं भिगनी च सत्त भातरो
अमितधनं छड्ढुियत्वा पाविसिम्हा महावनन्ति ॥८॥

५-सोणपण्डित-चरियं ।

पुनापरं यदा होमि नगरे ब्रह्मवड्ढने र तत्थ कुलवरे सेट्ठे महासाले अजायहं ॥१॥ तदापि लोकं दिस्वान अन्धभूतं तमोत्थतं चित्तं भवतो पिटकुटित तुत्तवेगहतं विय ॥२॥ दिस्वान विविधं पापं एवं चिन्तेसहं तदा कदाहं गेहा निक्खम्म पिवसिस्सामि काननं ॥३॥ तदापि मं निमन्तिंसु कामभोगेहि ञातयो तेसम्पि छन्दमाचिक्खि मा निमन्तेथ तेहि मं ॥४॥ यो मे कनिटुको भाता नन्दो नामासि पण्डितो सो पि मं अनुसिक्खन्तो पब्बज्जं समरोचिय ॥५॥ अहं सोणो च नन्दो च उभो माता पिता मम तदापि भोगे छडडेत्वा पिवसिम्हा महावनन्ति ॥६॥

Cf. Soṇa-Nanda Jātaka, Jātaka, Vol. V, 312-332-

Another name of Bānārasî, Jātaka, Vol. IV, p. 190.

चतुत्थो परिच्छेदो

अधिद्वानपारिमता

तेमिय-चरियं ।

पूनापरं यदा होमि कासिराजस्स अत्रजो मगपक्लो ति नामेन तेमियोति वदन्ति मं ॥१॥ सोलसित्थिसहस्सानं न विज्जति पूमो तदा अहोरतानं अच्चयेन निब्बत्तो अहमेकको ॥२॥ किच्छा लद्धम्पियं पूत्तं अभिजातं ज्तिन्धरं सेतच्छतं धारयित्वान सयने पोसेति मं पिता ॥३॥ निद्दायमानो सयनवरे पब्ज्झित्वानहं तदा अदृसं पण्डरं छत्तं' येनाहं निरयं गतो ॥४॥ मह दिदूरस में छत्तं तासो उप्पञ्जि भेरवो विनिच्छयं समापन्नो कदाहं इमं मुच्चिस्सं ॥५॥ पृब्वमालोहिता मय्हं देवता अत्थकामिनी सा मं दिस्वान द्विखतं तीस् ठानेस् योजयि ॥६॥ मा पण्डिच्चं (पण्डिच्चयं) विभावय बहमतं सप्पाणिनं सब्बो जनो ओचिनायतु एवं अत्थो भविस्सति ॥७॥ एवं वत्तायऽहं तस्सा इदं वचनमब्रवि करोमि ते तं वचनं यं त्वं भणसि देवते ॥८॥ अत्थ कामासि मे अम्म हितकामासि देवते तस्माहं वचनं मृत्वा सागरे व थलं लींभ ॥९॥

Cf. Temiya Jātaka, (mūgapakkha) Jātaka, Vol. VI, 1-30.

हट्ठो संविग्गमानसो तयो अंगे अधिद्रहि मूगो अहोसि बिधरो पक्लो गतिविवज्जितो ॥१०॥ एते अंगे अधिद्वाय वस्सानि (नं) सोलसं विस ततो मे हत्थपादे च जिव्हं सोतञ्ज महिय अनुनतं मे पस्सित्वा कालकण्णीति निन्दि (हि) सु ॥११॥ ततो जनपदा सब्बे सेनापतिपुरोहिता सब्बे एकमना हुत्वा छड्डनं अनुमोदिसु ।।१२॥ सोऽहं तेसं मति सुत्वा हट्टो संविग्गमानसो यस्सत्थाय तपो चिण्णो सो मे अत्थो समिज्झथ ॥१३॥ नहापेत्वा अनुलिम्पित्वा वेठेत्वा राजवेठनं छत्तेन अभिमिञ्चित्वा कारेसुं पुरपदिक्खणं ॥१४॥ मत्ताहं धारयित्वान उग्गते रविमण्डले रथेन मं नीहरित्वा सारथी वनम्पागमि ॥१५॥ एकोकासे रथं कत्वा सज्जस्सं हत्थम् ज्ञिचतो (तं) सारिथ खणित कास् निखातुं पठिवया गर्म ॥१६॥ अधिठ्ठितमधिठ्ठानं तज्जन्तो विविधकारणा न भिन्दि व तमधिट्रानं बोधिया येव कारणा ॥१७॥ मातापिता न में देस्सा अत्ता न में च देग्सियों सब्बञ्जातम्पियं मयहं तस्मा व तमिषद्विहं ॥१८॥ एते अंगे अधिद्वाय वस्सानि सोलसं वसि अधिद्वानेन समो नित्थ एसा मे अधिद्वानपारमीति ॥१९॥ अधिद्वानपारमिता निद्विता

पश्चमो परिच्छेदो

सचपारमिता

१--कपिराज-चरियं ।

यदा अहं किप आसि नदीकूले दरीसये पीलितो सुंसुमारेन गमनं न लभामिऽहं ॥१॥ यम्होकासे अहं ठत्वा ओरपारं पतामहं तत्थऽच्छि सत्थु-बधको कुम्भिलो रुद्दस्सनो ॥२॥ सो मं असंसि एहीति, अहमेमीति तं विद तस्स मत्थकमक्कम्म परकूले पित्ठ्ठीहं ॥३॥ न तस्स अलिकं भणितं यथा वाचं अकासहं सच्चेन मे समो नित्थ एसा मे सच्चपारमीति ॥४॥

२-सचसव्हयपण्डित-चरियंै।

पुनापरं यदा होमि तापसो सच्चसव्हया सच्चेन लोकं पालेसि समग्गं जनमकासहन्ति ॥१॥

३-वट्टपोतक-चरियं ।

पुनापरं यदा होमि मगधे वट्टपोतको अजातपक्लो तरुणो मंसपेसि कुलावके ॥१॥

⁹ Cf. Kapî-Jātaka, Jātaka, Vol. II, 268-270.

Cf. Saccańkira-Jātaka, Jātaka, Vol. I, 322-327.

Cf. Vatta-Jātaka, Jātaka, Vol. I, 212-215.

मुखतुण्डकेनाहरित्वा माता पोसयति ममं तस्सा फस्सेन जीवामि नऽत्थि मे कायिकं बलं ॥२॥ संवच्छरे गिम्हसमये दावडाहो पदिप्पति उपगच्छति अम्हाकं पावको कण्हवत्तनी ॥३॥ धुमधुमञ्जनित्वेवं सद्दायन्तो महा सिखी अनुपूब्बेन झापेन्तो अग्गि मममुपागिम ॥४॥ अग्गिवेगभया भीता तसिता मातापिता मम कुलावके मं छड्डेत्वा अत्तानं परिमोचयं ॥५॥ पादे पक्खे पजहामि नित्थमे कायिकं बलं सोहं अगतिको तत्थ एवं चिन्तेसहं तदा ॥६॥ येसाहं उपधावेय्यं भीतो तसितवेधितो ते मं ओहाय पक्कन्ता कथं मे अज्ज कातवे ॥७॥ अत्थि लोके सीलगुणो सच्चं सोचेय्यनुद्दया तेन सच्चेन काहामि सच्चकिरियमुत्तमं ॥८॥ आवज्जेत्वा धम्मबलं सरित्वा पृब्वके जिने सच्चबलमवस्साय सच्चिकरियमकासहं ॥९॥ सन्ति पक्वा अपतना सन्ति पादा अवञ्चना माता पिता च निक्खन्ता जातवेदपटिक्कम ॥१०॥ सह सच्चे कते मय्हं महापज्जलिको सिखी वज्जेसि सोलस करीसानि उदकं पत्वा यथा सिखी सच्चेन में समो नित्थ एसा में सच्चपारमीति ॥११॥

४-मच्छराज-चरियं ।

पुनापरं यदाहोमि मच्छराजा महासरे उण्हे सुरियमन्तापे सरे उदकं खीयथ ॥१॥ ततो काका च गिज्झा च बका कुललसेनका भक्खयन्ति दिवा र्रात्तं मच्छे उपनिसीदिय ॥२॥

⁹ Cf. Maccha-Jātaka, Jātaka, Vol. I, 210—212.

एवं चिन्तेसहं तत्थ सह जातीहि पीलि.तो केन नु खो उपायेन ज्ञाती दुक्खा पमोचये।।३।। विचिन्तयित्वा धम्मत्थं सच्चं अद्दस पस्सयं सच्चे ठत्वा पमोचेसि ञातीनं तं अतिक्खयं।।४॥ अनस्सरित्वा सद्धम्मं परमत्थं विचिन्तयं आकासि सच्चिकिरियं यं लोके धुवसस्सतं ॥५॥ यतो सरामि अत्तानं यतो पत्तोस्मि विञ्ञातं नाभिजानामि सञ्चिच एकम्पाणं विहिंसितं एतेन सच्चवज्जेन पज्जुन्नो अभिवस्सत् ॥६॥ अभित्थनय पज्जुन्न निधि काकस्स नासय काकं सोकाय रुन्धेहि मच्छे सोका पमोचय ॥७॥ सह कते सच्चवरे पज्जुन्नो चभिगज्जिय थलं निम्नञ्च पूरेन्तो खणेन अभिवस्सथ।।८॥ एव रूपं सच्चवरं कत्वा विरियमुत्तमं वस्सापेसि महामेघं सच्चतेजवलस्सितो सच्चेन मे समो नित्थ एसा मे सच्चपारमीति ॥९॥

५-कण्हदीपायन-चरियं ।

पुनापरं यदा होमि कण्हदीपायनो इसि
परो पञ्जासवस्सानि अनिभरतो वरि अहं॥१॥
न कोचि एतं जानाति अनिभरतिमनं मम
अहिंप कस्सचिनाचिक्खिं अरित मे रितमानमे॥२॥
सब्रह्मचारी मण्डब्यो सहायो मे महा इसि
पुब्बकम्मसमायुत्तो सूलमारोपणं लिभ ॥३॥
तमहं उपट्ठहित्वान आरोग्यमनुपापिय
आपुच्छित्वान आगञ्च्छ यं मय्हं सकमस्समं॥४॥
सहायो ब्राह्मणो मय्हं भरियमादाय पुत्तकं
तयो जना समागन्त्वा आगच्छुं पाहुनागतं॥५॥

⁹ Cf. Kaṇpadîpayuna-Jātaka, Jātaka, Vol. IV, 27-37.

सम्मोदमानो तेति सह निसिन्नो सकमस्समे दारको बट्टमनुक्कियं आसीविसमकोपिय ॥६॥ ततो सो बट्टगतं मग्गं अन्नेसन्तो कुमारको आसीविसस्स हथेन उत्तमङ्गं परामिस ॥७॥ तस्स आमसने कुद्धो सप्पो विसवलस्मितो कुपितो परमकोपेन अदंसि दारकं खणे॥८॥ सह दट्ठो अतिविसेन दारको पतित भूमियं तेनाहं दुक्खितो आसि मम बाहसितं दुक्खं ॥९॥ त्याहं अस्सासियत्वान दुक्खिते सोकसिन्लिते पठमं अकासि किरियं अग्गं सच्चं वक्त्तमं॥१०॥

सत्ताहमेवाहं पसन्तिचत्तो
पुञ्ञात्थिको अचरी ब्रह्मचरियं
अथापरं यं चरितं ममियदं
वस्सानि पञ्ञास समाधिकानि ॥११॥
अकामको वाहि अहं चरामि
एतेन सच्चेन सुवित्थ होतु
हतं विसं जीवतु यञ्जदत्तो ॥१२॥
सह सच्चे कते मय्हं विसवेगेन वेधितो
अबुज्झित्वान बुठ्ठासि आरोगो चासि मानवो
सच्चेन मे समो नित्थ एसा मे सच्चपारमीति ॥१३॥

६-सुतसोम-चरियं।

पुनापरं यदा होमि मृतसोमो महीपति
गहितो पोरिसादेन ब्राह्मणे सक्रकरं सरि ॥१॥
खित्तयानं एकसतं आवृनित्वा करतले
एते सम्पमिलापेत्वा यञ्ञात्थे उपनिय ममं॥२॥
अपुच्छि मं पोरिसादो कि त्वं इच्छिसि निस्सज्जं?
यथा मित ते काहामि यदि मे त्वं पुनेहिसि॥३॥
तस्स पिटसुनित्वान पण्हे आगमनं मम
उपगन्त्वा पुरं रम्मं रज्जं निय्यादियं तदा॥४॥

अनुस्सरित्वा सतं धम्मं पुब्बकं जिनसेवितं ब्राह्मणस्स धनं दत्वा पोरिसादं उपार्गामं ॥५॥ नित्थ मे संसयो तत्थ घातियस्सिति वा न वा सच्चवाचानुरक्खन्तो जीवितञ्चिजितुमुपार्गाम सच्चेन मे समो नित्थ एसा मे सच्च पारमीति ॥६॥ सच्चपारिमता निट्ठिता॥

छट्टो परिच्छेदो

मेत्तापारमिता

१-सुवण्णसाम-चरियं ।

सामो यदा वने आसिं सक्केन अभिनिम्मितो पवने सीहव्यग्घे च मेत्तायमुपनामियं॥१॥ सीहव्यग्घेहि दीपेहि अच्छेहि महिसेहि च पसदिमिगवराहेहि परिवारेत्वा वने विसं॥२॥ न मं कोचि उत्तरस्पति न पि भायामि कस्सचि मेत्ताबलेनुपत्थद्धो रमामि पवने तदा॥३॥

२--एकराज-चरियंै।

पुनापरं यदाहोमि एकराजाति विस्सुतो परमं सीलमधिट्ठाय पसासामि महामहि ॥१॥ दसकुसलकम्मपथे वत्तामि अनवसेसतो चत्ति सङगहवत्थूहि सङगण्हामि महाजनं ॥२॥ एवं मे अप्पमत्तस्स इदलोकं परत्थ च दब्बसेनो उपागन्त्वा अच्छिन्दन्तो पुरं ममं ॥३॥ राजूपजीवे निगमे सबलट्ठे सरलट्ठके सब्बं हत्थगतं कत्वा कासुया निक्खनि ममं ॥४॥

⁹ Cf. Sāma Jātaka, Jātaka, Vol. VI, 61—95.

[₹] Cf. Ekarāja-Jātaka, Jātaka, Vol. III, 13—15.

अमच्च मण्डलं रज्जं फीतं अन्ते पुरं मम अच्छिन्दित्वान गहितं पियं पुत्तं व पस्सहं मेत्ताय मे समो नित्थि एसा मे मेत्तापारमीति ॥ ५॥ मेत्तापारमिता निट्ठिता

उपेक्खापारमिता

३-महालोमहंस चरियं ।

सुसाने सेय्यं कप्पेमि छविठ्ठकं (उप) निधायहं गा (गो) मण्डला उपगन्तवा रूपं दस्सेन्तिऽनप्पकं।।१॥ अपरे गन्धञ्च मालञ्च भोजनं विविधं बहुं उपायनान्युपनेन्ति हट्टा संविग्गमानसा ॥२॥ ये मे दुक्कं उपदहन्ति ये च देन्ति सुखं मम सब्बेसं समको होमि दयकोपो न विज्जिति॥३॥ सुखदुक्कं तुलाभूतो यसेसु अयसेसु च सब्बत्य समको होमि एसा मे उपेक्खापारमीति॥४॥

उपेक्खापारमितानिट्ठिता।

युघञ्जयो, सोमनस्मो, अयोघरिभसेन च सोणदण्डो, मूगपक्खो, किपराजा, सच्चसव्हयो ॥५॥ बट्टको, मच्छराजा, च कण्हदीपायनो इसि सुतसोमो, पुन आसि सामो, च एकराजहु उपेक्खापारमी आसि इति बुत्तं महेसिना ॥६॥ एवं बहुविधं दुक्खं सम्पत्ति च बहुविधा भवाभवे अनुभवित्वा पत्तो सम्बोधिमृत्तमं॥७॥ दत्वा दातब्बकं दानं, सीलं पूरेत्वा असेसतो, निक्खम्मे पार्राम गन्त्वा, पत्तो सम्बोधिमृत्तमं॥८॥

⁹ Cf. Lomahamsa-Jātaka, Jātaka, Vol. I, 389—391.

पण्डिते परिपुच्छित्वा, विरियं कत्वानमृत्तमं, खन्तिया पार्राम गन्त्वा, पत्तो सम्बोधि मृत्तमं ॥९॥ कत्वा दल्हं अधिठ्ठानं, सच्चवाचानुरिक्खया, मेत्ताय पार्राम गन्वा पत्तो सम्बोधिमृत्तमं ॥१०॥ लाभालाभे यसायसे समाननावमानने सब्बत्य समानो हुत्वा, पत्तो सम्बोधिमृत्तमं ॥११॥ कोसज्जं भयतो दिस्वा विरियारम्भं च खेमतो आरद्ध विरिया होथ एसा बुद्धानुसासनी ॥१२॥ विवादं भयतो दिस्वा अविवादञ्च खेमतो समग्गा अखिला होथ एसा बुद्धानुसासनी ॥१३॥ पमादं भयतो दिस्वा अप्पमादञ्च खेमतो भावे अट्ठद्धिगकं (भावेथट्टद्धिगकं) मग्गं एसा बुद्धानुसासनी ॥१४॥ इत्थं सुदं भगवा अत्तनो पुब्बचरियं सम्भावियमानो बुद्धापदानि यन्नाम धम्मपारियायंपटसित्था ति ॥ चरियापिटकं निट्ठतं (चरियापिटक पालि समत्ता) ॥